



Mirza Malkočević (Narod i Pravda)

09.07.2025. godine

N/R Predsjedavajuća gradskog Vijeća Grada Tuzla

gđa. Ana Pejić

Predmet: Prijedlog za uvrštavanje tačke u dnevni red Kolegija Gradskog vijeća i u dnevni red sjednice Gradskog vijeća Tuzla

Predažem da se u dnevni red sjednice Kolegija Gradskog vijeća i u dnevni red sjednice Gradskog vijeća Tuzla uvrsti tačka pod nazivom “Donošenje odluke o komunalnim taksama” imajući u vidu da je Gradsko vijeće Tuzla 19.12.2024. godine donijelo Odluku o prestanku važenja Odluke o komunalnim taksama.

Novom odlukom koju bi donijelo Gradsko vijeće, uvela bi se naplata komunalne takse za priređivače igara na sreću. Odlukom bi bile obuhvaćene sve vrste igara na sreću, od slot aparata do klasičnih i elektronskih igara na sreću te poslovni prostori u kojima priređivači igara na sreću posluju.

Podsjećam da je Gradsko vijeće Grada Bihać donijelo odluku o uvođenju komunalne takse za priređivače igara na sreću, da je Kantonalni sud u Bihaću utvrdio da je ova odluka donesena u skladu sa zakonskim propisima, što je naknadno potvrdio i Vrhovni sud Federacije 4.7.2025. godine, odbacivši zahtjev jedne od vodećih kladionica za vanredno preispitivanje presude Kantonalnog suda u Bihaću, kojom je potvrđena zakonitost odluke Gradskog vijeća Grada Bihać kojom Grad Bihać naplaćuje komunalnu taksu priređivačima igara na sreću. U obrazloženju presude, Vrhovni sud navodi da Kantonalni sud nije prekršio nijedan federalni zakon niti propis, te da je obaveza plaćanja taksi za priređivače igara na sreću utemeljena na važećoj gradskoj Odluci o komunalnim taksama.

Time je još jednom potvrđeno da su gradske odluke o naplati ovih taksi u skladu sa zakonima Federacije BiH.

Ova odluka Grada Bihaća predstavlja važan presedan za sve lokalne zajednice u Federaciji Bosne i Hercegovine i poticaj drugim općinama i gradovima da donesu istu odluku.

Činjenica je da priređivači igara na sreću ubiru stotine miliona maraka zahvaljujući našim građanima, a da istovremeno državi i gradovima u kojima posluju, ne plaćaju taksu, a da bi bilo pravedno da se dio izrazito visokog profita koji ostvaruju vrati lokalnoj zajednici u kojoj posluju. Sredstva prikupljena na ovaj način bi se transparentno trošila na finansiranje projekata od interesa za građane.

Posebno treba naglasiti primjere zemalja koje, uvođenjem dodatnih nameta kockarnicama i kladionicama indirektno utiču na smanjenje jedne od trenutno vodećih ovisnosti građana.

Imajući u vidu naprijed navedeno, predlažem da se u dnevni red sjednice Kolegija Gradskog vijeća i u dnevni red sjednice Gradskog vijeća Tuzla uvrsti tačka pod nazivom Donošenje odluke o komunalnim

taksama te da Kolegij Gradskog vijeća zaduži Gradonačelnika Grada Tuzle da, u saradnji sa resornim službama, pripremi prijedlog odluke kojom će se precizirati komunalne takse za priređivače igara na sreću.

S poštovanjem,

 1129 M
Mirza Malkočević (NiP)